



Na osnovu člana 22 Statuta Brčko distrikta BiH – prečišćeni tekst („Službeni glasnik Brčko distrikta BiH“, broj 2/10), člana 2.12 Izbornog zakona Bosne i Hercegovine („Službeni glasnik BiH“, brojevi: 23/01, 7/02, 20/02, 25/02, 4/04, 20/04, 25/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 7/14 31/16, 41/20, 38/22, 51/22 i 67/22), člana 2.2 stava 1 Izbornog zakona Brčko distrikta Bosne i Hercegovine („Službeni glasnik Brčko distrikta BiH“, brojevi: 17/08, 43/08 i 49/18), člana 7 Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, brojevi: 67/21, 73/21, 1/22 - prečišćeni tekst i brojevi: 13/22 i 78/23), člana 64 Poslovnika o radu Skupštine Brčko distrikta BiH („Službeni glasnik Brčko distrikta BiH“, broj 54/18 – prečišćeni tekst i brojevi: 17/20 i 24/20), Skupština Brčko distrikta BiH na 16. vanrednoj sjednici održanoj 6. decembra 2023. godine, donosi

ODLUKU

O RASPISIVANJU JAVNOG OGLASA ZA IMENOVANJE ČETIRI ČLANA IZBORNE KOMISIJE BRČKO DISTRIKTA BiH

Član 1

Raspisuje se Javni oglas za imenovanje četiri člana Izborne komisije Brčko distrikta BiH.

Član 2

- (1) Javni oglas iz člana 1 ove odluke čini njen sastavni dio i objavit će na Internet stranici Skupštine Brčko distrikta BiH i RNU „Radio Brčko“.
- (2) Rok za podnošenje prijava je 8 (osam) dana od dana posljednjeg objavljivanja Javnog oglasa u jednom od navedenih sredstava informisanja.

Član 3

U skladu s Izbornim zakonom Bosne i Hercegovine i Uputstvom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini kandidati treba da ispunjavaju sljedeće:

Opšti uslovi:

- 1) da je lice s pravom glasa;
- 2) da je lice s odgovarajućom stručnom spremom i iskustvom u provođenju izbora.

Posebni uslovi:

- 1) da ima prebivalište na području Brčko distrikta Bosne i Hercegovine;
- 2) da ima završen fakultet VII/1 stepen stručne spreme ili završen fakultet Bolonjskog sistema studiranja s najmanje 180 ECTS;
- 3) da posjeduje iskustvo u provođenju izbora.

Član 4

Mandat članova Izborne komisije Brčko distrikta BiH traje 7 (sedam) godina računajući od dana davanja saglasnosti Centralne izborne komisije Bosne i Hercegovine na odluku o

imenovanju članova Izborne komisije Brčko distrikta BiH donesenu od strane Skupštine Brčko distrikta BiH.

Član 5

(1) Postupak po raspisanom Javnom oglasu provest će Komisija za izbor četiri člana Izborne komisije Brčko distrikta BiH (u daljnjem tekstu: Konkursna komisija) u sljedećem sastavu:

1. Ina Pamukčić– predsjedavajuća Konkursne komisije,
2. Ljubiša Lukić,
3. Damir Bulčević,
4. Velibor Babić,
5. Ivo Filipović.

(2) Zadatak Konkursne komisije iz prethodnog stava je da izvrši pregled i klasifikaciju prijava, obavijesti pisanim putem sve prijavljene kandidate o rezultatima klasifikacije, dostavi poziv i obavi intervju sa svim kandidatima koji ispunjavaju uslove propisane javnim oglasom, izvrši bodovanje i podnese pisani izvještaj Skupštini Brčko distrikta BiH o provedenom postupku i prijedlog rang-liste a sve u skladu s Izbornim zakonom Bosne i Hercegovine, Izbornim zakonom Brčko distrikta BiH i Uputstvom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini.

Član 6

Skupština Brčko distrikta BiH cijeneći položaj kandidata na rang-listi koju dostavi Konkursna komisija donijet će Odluku o imenovanju četiri člana Izborne komisije Brčko distrikta BiH.

Član 7

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-6868/23
Brčko, 6. 12. 2023. godine

PREDSJEDNIK
SKUPŠTINE BRČKO DISTRIKTA BiH

Mr. sci. Siniša Milić